

嘉慶廬州府志

廬州府志卷三十一

孝義

毛義

郭巨

陳翼

張進昭

徐行周

葛敬儒

唐海

王光濟

何宗壽

李吳貞

方孝子

余元燦

汪安淵

檀念二

趙廣

季元禮

子立

羊仁

張順興

胡拱辰

吳敬

丁華一

盛宗

錢敏

高興

王紹

宋驥

胡紀

季廷春

向侃

張政

陳暹

孫剪兒

張俊

陳本忠

朱燦

王閏

汪德中
方景姜

戴

庸趙賢

沈謹

朱世藩

衛郡

張梅

沈秉直

鄭元

張四象

蔡桂大

鄭杲

從兄

李得春

張澄

王廷範

姜潤

閻絢

朱印

郭嘉瑞

朱辰

胡仕祥

孫澤

康德威

趙密

王介

馬福

齊欽相

程思岱

殷尙禮

李大經

周繼成

詹天瑞

章華國

杜濂

許國忠

阮自強

任成勳

祝汝節

楊舜漁

楊維嶽

張振祚

李雲仍

子蓮

孫朝傑

康三極

葛一本

薛崇禮

單政

余成德

李光潔

郭維賓

呂名村

王玠

丁遵道

張維德

張振德

朱儒醇

張文達

高克謹

字之幹

許星

趙仲乙

楊光耀

司澤光

張勝宇

沈志允

沙喬昌

程尊孔

沈守佩

周愛池

劉萬仲

孫遇選

程汝璞

蘇逢仁

陸爾綏

趙廷璋

李琪

方華

張大履

王鳳吾

魏振趾

胡蔭

任奕鑑

方君佑

李慈林

郭士英

許明時

許祝年

張一綸

賈又彪

朱維世

李萬化

沈志孔

董史

王茂粹

趙觀乙

程汝璠

蘇日華

巫萬璵

周起姜

朱必昌

徐行達

郭尙謙

陳魁甲

王尙哲

姚守堅

江自孔

陳應豹

潘恆鵬

束懋官

靳三益

王明俊

束守顏

畢翼周

許士浩

黃河清

徐愈晉

陳經業

李逢麟

許鍾產

馬尙義

任弼堯

宋志靈

孫日龍

李善

趙淑

許希湯

盧雲英

李塏

金芝蘭

吳姓

周敬寵

沈繼聖

張龍如

丁時捷

沈可器

吳嘉訓

朱 夔

沈可弼

劉有德

吳允誠

盧應京

李思慎

倪良增

張應昌

俞 質

孫可衍

劉正絃

沙可續

張應星

朱令吉

伍正都

宋學悟

吳正壽

錢 榮

馬尙謙

魏應琦

王廷松

陸世道

張冑耘

周之才

蔣永兆

奚崇榮

蔣聯芳

魏游錫

張 鼎

任天健

蔡春芳

任天吉

孔興道

高重瑛

朱 品

周尙文

蔡殊英

蔡 崇

徐凌霄

周治昌

程懷榮

夏貢西

高登奇

孔 時

朱光照

金之鵬

劉鋹

李國瞻

丁大燭

錢承禧

童燭

鄭曦

夏校

孫天閑

廬州府志卷三十一

賜進士出身廬州府知府溫陵張祥雲主修

孝義

漢

毛義廬江人字少節家貧以孝行稱南陽張奉慕其名往候之坐定而府檄適至以義守令義奉檄而入喜動顏色奉志尙士也心賤之自恨來固辭而去及義母死去官行復數辟公府爲縣令進退必以禮後舉賢良公車徵遂不至張奉歎曰賢者固不可測往日之喜乃爲親屈也建初中章帝下詔褒寵賜穀千斛常以八月長吏問起居加賜羊酒壽終于家

後漢書劉趙淳于江劉周傳序

郭巨無爲人生一子三歲凶年母減食與之令妻埋之遂穴地得金上有字云天賜孝子郭巨官不得奪民不得取本州郭巨山蓋以此得名

明隆慶志

陳翼字子初廬江人到覽鄉見馬傍有一人病呼曰我長安魏少公聞卿廬江樂來遊今病不能前翼迎歸養之有金十餅帛二十疋既死翼賣帛買棺衾以餅置棺下騎馬出入後其兄長公見馬告之吏捕翼翼具言狀長公於棺下得金叩頭謝以十餅投其門翼走長安還之

廬江七賢傳

唐

張進昭巢縣人事親孝母患狐刺左手墮而終及殯進昭截左手腕廬於墓天子旌表門閭累帛州縣存問復賦稅

唐書孝友傳序

徐行周舒城人數世同居天子旌表門閭賜粟帛州縣存問復賦稅

唐書孝友傳序

萬敬儒廬州人三世同居喪親廬墓刺血寫浮屠書斷手二指輒復生州改所居曰成孝鄉廣孝祿大中時表其家

唐書孝友傳

唐海巢人母喪廬墓手自耕植以備祠祭忽田中產嘉禾一本六穗一本五穗廬州刺史裴靖上其事于守土者符載載令錄事參軍朱寧丁寧考驗事狀明白遂作嘉禾表以聞

明隆慶志

宋

王光濟廬州人喪母因刻像日夕奉事如平生孝道純篤咸
平二年本州以孝聞詔旌之

宋史孝義傳

何宗壽梁縣人淳熙十一年母沈氏病飲藥不痊宗壽封左

股煮粥進之母遂愈

康熙志

李吳貞合肥人淳熙十一年冬母孫氏產後患重吳貞年九
歲封右股肉煮粥母食之疾稍愈其兄曾貞年十六歲亦

封右股肉煮麪羹以進食已霍然

康熙志

方孝子無爲人侯其名母目雙盲每旦舐之復明後以壽終

葬城北

康熙志

余元璨舒城春秋邨人淳熙十一年六月母朱氏患寒疾篤

璨封左股以進得痊

康熙志

汪安淵舒城西鄉人淳熙十二年春母陳氏病篤安淵到在股救之而愈

康熙志

柏念二舒城上陽鎮人淳熙十二年二月母章氏病幾絕念二鑿左脛骨寸餘取髓食母遂愈以上三人事聞於朝詔付史館仍令有司依例優給碑刻尙存

康熙志

趙廣廬州人八世同居淳化二年賜詔旌表門閭

宋史孝義傳序

李原禮無爲太平鄉人晨昏奉親下氣怡色父母終俱廬墓三年不食鹽酢其子立居原禮喪亦不食葷肉廬墓三年母目疾日久不明每晨餽之三月復明及母歿廬於墓次者又三年人謂其一門純孝云

明隆慶志

元

羊仁廬江人至元初阿朮兵南下仁家爲所掠父被殺母及兄弟皆散去仁年七歲賣爲汴人李子安家奴力作二十餘年子安憐之縱爲良仁蹤跡得母於潁州蒙古軍塔海家兄於睢州蒙古軍岳細家弟於邯鄲連大家皆爲役尙無恙乃徧懇親故貸得鈔百錠歷詣諸家求贖之經營百計更六年乃得遂大小二十餘口復聚居爲良孝友甚篤鄉里美之大德十二年旌其家

元史孝友傳

張順興合肥人出米五百餘石賑飢順帝五年旌其門

康熙志

明

胡拱辰字紫微聰甫之子舒城人洪武間由孝廉爲歙縣丞

建春暉堂以奉母劉文成宋文憲皆有詩以記陞丹陽令

乞歸侍養得年九十餘

康熙志

吳敬無爲人母疾割肝煎湯母愈而敬不傷事聞太祖官以

贊禮郎

江南通志

習華一無爲人兄弟五人不忍析居相與誓天折梅五枝共

接一本各識之祝曰如一枝枯卽某有異心後五枝俱秀

實鄉里驚歎號五果丁氏

江南通志

盛宗巢縣人髫髻中母被兵掠後聞人言母在永平宗走數

千里尋之中途染疫歸宣德癸丑復籲天而行果得重聚

時母年七十矣買車載歸竭力奉養者二十餘年母壽九

十有六旣葬廬墓三年有巢鵲連枝之異

明隆慶志

錢敏字志學舒城人幼喪父家貧力學事母至孝及登第乞
還鄉侍養母患瘡侍湯藥未嘗離側母喪廬墓詔旌之
明隆慶志

高興合肥人自幼事親至孝父歿哀毀踰禮廬墓三年寢苦
枕由烏巢墳林間哭悲鳴以助其哀服闋親隣勸歸有白
鵲數百大如鸛鶴隨後翔空而集于宅盤旋良久方去時
人歎其孝感有司上其事詔旌之
明隆慶志

王紹字繼學舒城人由進士任監察御史母喪辟踊頓絕廬
墓三年詔旌之
江南通志

朱驥舒城人官修武令解組歸凡事皆稟母命母卒見所遺
拄杖猶依依如母在也廬墓三年有雙雀悲鳴鄰犬來爲

守護人盡異之

康熙志

胡紀字大年舒城人永樂甲午舉人官山東叅議居父母喪皆廬墓前後六年虎至不懼羣鹿馴擾真純孝所感也

康熙志

熙志

季廷春無爲人居母喪廬墓三年茹蔬啜粥不食鹽醬廷春

曾祖原禮祖立皆結廬親墓一門純孝殆家法云

康熙志

向侃字希顏巢縣人由楷書中永樂甲午鄉榜宣德間授靜寧州判職撫民未幾議罷天下撫民官巡撫特奏畱之父老德侃皆稱爲慈父正統丙辰授南京監察御史陞雲南潯江府知府侃性孝友旦暮必衣冠問起居寒暑不衰妻趙卒子懋甫六歲母湯孺人念之曰汝再娶當恤懋侃自

是不復娶鰥居四十年兄弟五人白首同居侃在嘉興時有李庠者嘗染疫癘氣甚熾侃獨具湯藥扶持之庠德侃後入仕以厚幣謝侃曰忠難相恤友道也卻之

明隆慶志

張政廬江人父疾謹奉湯藥及卒哀毀踰禮廬基側者三年虎不爲患正統六年旌

康熙志

陳暹舒城人蚤喪父奉母至孝母疾危額天願以身代果愈後母喪哀毀屢絕臨葬火延燒房屋濕伏柩哀號得風止火息既葬廬於基側值天降霰雹草木俱傷近基獨無基傍柳高僅五六尺有烏鵲巢於上一日風吹巢墮暹復舉而置諸舊處鵲亦不驚卒哺雛成人以爲孝感所致有司上其事太守史公濡詣墓覈實獎勞

明隆慶志

孫剪兒舒城人早喪父事母孝家甚貧樵採供甘旨無缺乏
母寢疾額天求代正統中母卒露宿墓側鄰翁憐之爲結
廬墓傍有椿高數尺鵲巢其上哭則悲鳴相應復有兩虎
每日詣至墓側旋繞啼吼達旦而去刻木肖母像事之終
身

明隆慶志

張俊合肥人父禮歿哀毀幾絕後母戴氏病俊禱于神願以
身代母歿以禮合葬結廬墓側孝行卓異天順七年詔旌
之

明隆慶志

陳本忠無爲人正統庚辰歲歉輸米九千二百斛子志高穀
二千斛志遠穀八千八十斛以備賑又憫流民路宿卽舍
傍披草萊爲屋百楹居之復施粥二月以食飢者父子三

人俱奉勅旌

江南通志

朱燦無爲人厚重好義正統開歲歉燦以米四千四百斛輸官同族名亮者設粥日食數百人朝廷旌曰尙義之門

江南通志

王問汪德中方景美禮俱舉人正統開賑濟捐穀數百石有差俱奉勅旌爲義民餘捐二三百石者尙多萬歷開何文產捐米至五百石

康熙志

戴庸趙賢舉人景泰開賑濟捐穀一千四百石

康熙志

沈誼合胞人母喪誼哀毀踰禮廬墓三年因築牆忽泉涌出足供墓側飲灌又有鵲巢於樹誼每哭窺鵲哀鳴旋繞其前成化開詔旌之

明隆慶志

朱世藩合肥人幼孤奉母盡孝母故藩醫棺呼號口眼血出

遂喪明奉旨旌

江南通志

衛郡合肥人母病篤思飲泉水是年旱郡叩天掘井泉水湧

出母飲之而愈鄉人稱爲衛孝泉奉旨旌

江南通志

張梅合肥人母疾篤嘗糞嘗痰復病疽吮出膿血得愈父歿

廬墓奉旨旌

江南通志

沈秉直字尊生合肥人方十二齡一夕比隣望其家有彩雲

巨星之異里中驚咤已而知秉直是夜割股療母疾也奉

旨旌

康熙志

鄭元合肥人五世同居宏治時旌

江南通志

張四象舒城人祖母病割股療之沈疴立起

縣志

蔡性大合肥人郡廩生悉季子性至孝居親喪廬墓三年四

舉優行不仕採訪事實

鄭杲字義民合肥人少穎敏有大志補邑庠弟子員與從兄
梁相砥礪經史子集靡不通曉偕諸生較藝率置優列一
日有省厭舉子業作詩云人生如朝露光景不可留初爲
名利閒趨逐忽所求本分有真樂乃復事遠謀涉海浩無
涯甘作蒲首遊及時不鞭策歲月爲我儺嘗出遊訪豐城
楊先生廉問鑒問賀公欽有古人風將往卒業焉頃之丁
外艱廬于墓所哀毀骨立染屨疾不起作絕命詞云不孝
罪通天一病幾五月調攝弗自遑還爾成永訣三年未終
竟四物尙茲缺老母孤且哀誰爲侍巾櫛萬事吾已休舍

恨向夜穴遂卒卒年二十九歲在正德甲戌新淦于教諭
鳳題其墓碣曰篤孝其兄梁亦敏悟能文事大父母爲順
孫一時稱二鄭

明隆慶志

李得春合肥人年甫十三父病嘗糞封股母病亦如之父母
歿俱廬墓三年冬月有野草生花之異

江南通志

張澄字世傑廬江人少時習爲庖人生理甚微事母江氏惟
謹親調甘旨遇時物輒留以奉母江好飲澄爲具佳醢或
自起唱舞務致其歡悅而後已孝養數十年如一日嘗於
蕪湖拾遺銀又嘗糴李姓穀得銀五兩於其中俱驗實還
之母壽至九十嘉靖三年澄年八十餘詔賜壽官

康熙志

王廷範合肥人隆慶中以例入北雍有遠省孝廉蔣姓者下

第流落廷範資之以歸後蔣官貴州巡撫廷範佐普安州
召入稱謝甚見委重及卒蔣爲治喪假驛傳歸之

康熙志

姜潤巢縣人父早亡一夕母病其兄請禱潤密額天封左股
肉以進母病立愈時無知者潤昏就寢兄責其不事事家
人始語之隣里欲上其事潤曰吾所爲乃子職安用人知
康熙志

閻絢字後素巢縣人郡庠生性孝事繼母一如所生晨昏定
省至老不缺父母兄弟無閒言知縣郎應麟爲之請旌
康熙志

朱印桃坡鎮人父早喪奉母彭氏盡孝母卒廬墓時年十七
未娶親戚恐其成疾勸歸不從或有債遺卻不受後入邑

庠萬歷六年卒貧無以殮教諭劉大烈捐俸助之

康熙志

郭嘉瑞舒城人庠生母病劇嘗糞露禱居喪循禮三年未嘗茹葷創祖祠修宗譜賻喪賑貧資婚助讀人咸稱之

康熙

志

朱辰合肥人萬歷閒諸生與妻李氏奉母盡孝母病篤衣不解帶者三月妻素羸遂成痼疾與姑相繼卒時辰年未四旬誓不再娶歲大旱守令造廬詢所以致旱之故備陳廬民恩惑有喪五六十而不葬者早魃爲災厥有明驗守令採其言申久淹之禁不旬月而歸葬者四千七百餘家雨澤尋沛縣爲詳府云廬陽有節婦無義夫幾爲缺典宜表揚以勵人心准給冠帶

康熙志

胡仕祥舒城人父福早卒母史氏年十九撫之以至成立仕
祥奉母最孝孫澤亦以孝友稱施及三黨與物無競晝所
爲夜必焚香告天澤孫守恆以忠節著

康熙志

康德威無爲人萬歷時疫甚死者載道置槥葬埋不可數計
課子孫惟事耕讀晚年與州守賓筵

康熙志

趙密舒城人庠生父國讓早卒母錢氏病密封股以愈之居
喪盡禮撫二歲弟迄於成立

康熙志

王介舒城人國子生父歿廬墓母年八十寢疾介割臂肉作
羹進之秘不使知及卒廬墓若葬父時

康熙志

馬福無爲人居孝友出遊值風雪暫宿郵僻有婦干以私
福厲聲色拒之旋避去州守辛侯問而歎曰此魯男子也

會修學時方忠訓福捐金以爲之倡事載碑陰

康熙志

齊欽相無爲人性淳樸生平足跡不履公庭天啟四年水荒捐貲煮粥里居助貧完婚修橋梁鄉里德之

康熙志

程思岱巢縣人貢生武昌衛知事公謁外常下帷讀書遷判霸州遇事惟斷以理無纖毫爲民累銓部諭其廉能擢永平府通判改保定駐居庸庶事悉治以老病乞休妻歿鰥居三十年時謂義夫

康熙志

殷尙禮合肥人性惇慤爲里長者範躬禮法不踰繩尺頗豐於財時解推以應親故里有小爭就裁決盡得解釋罔或不平

康熙志

李大經字天敘廬江人邑庠生父病劇刲股肉和湯藥以進

居喪廬墓克盡孝道

康熙志

周繼成字敬則廬江人庠生十四歲刲股救母母歿廬墓邑令謝名其鄉爲孝子里石碑尙存

康熙志

詹天瑞廬江人母楊氏二十孀居訓子後天瑞貧無以養訓蒙給膳及疾刲股療之母歿廬墓三年足不踰百步邑令章於東關外建節孝坊構屋十間令居之主社學教讀

康熙志

吳孝子無爲人逸其名家貧常執役富室身無完衣母饒甘旨富人有感其孝者常資給之後母沒未葬鄰家失火將及其廬力不能救惟伏棺以號火燄他徙左右無一免者惟孝廬獨存

江南通志

章華國無爲人少孤授徒養母母病篤刺臂血飲之而愈後
母病異瘡禱于神齋宿夢神人指京紅紙熏之果愈母沒
三年不茹葷酒每臨肉食則涕下竟以羸疾死

江南通志

杜濂無爲人少客維揚又客蕪湖嘗兩拾遺金數百金俱遲
其人至悉還之後濂晝寢夢神語曰汝來日合雷震死爲
有陰德宥之矣次日雷擊其家牛墮各一濂無恙

江南通志

許國忠字抱赤合肥人少入郡庠端方不苟族黨中有貧乏
者恤之崇禎庚辛大旱輸粟五百石以賑又捐貲修城垣
晚以詩酒自怡

康熙志

阮自強合肥人母劉氏祖母鮑氏相繼病自強剗股以進知

縣熊文舉表其門

康熙志

任成勲舒城人以善事父母稱

康熙志

祝汝節舒城人庠生博洽工文詞壬午賊陷城被執逃歸見母死灰燼中伏屍而泣題詩一章縉母側舒人無不痛悼

康熙志

楊舜漁字冕呂巢縣人敦本尚質里中目爲楊古人教子姪

義命自安一門之內自相師友京山李本寧述其行子維

嶽齋產助餽聞流寇之難絕粒以歿

江南通志

張振祚廬江人父宏任擢孥知四川嘉定州崇禎壬午流賊逼城祚奉父命領數騎突出求救城陷祚還見父被害觸

石死

江南通志

李雲仍字沖白合邕庠生家素饒好

庚辛歲饑捐米三百

五十石乙亥捐三百金募勇敢絕城擊賊賊爲之退郡有
朝霞社多名流雲仍酬贈殆無虛日晚年逃禪子蓮兆性
孝友配孫氏妾孫氏封股嘗糞奉姑極誠

康熙志

孫朝傑無爲人崇禎辛巳歲疫悉計里之貧乏者授之食畧
藉以活一日詣西山李姓李他適其婦一人在室會日暮
前途有虎不可行朝傑使婦扃其戶而身就戶外藉草宿
及曙而去其避嫌如此嘗作戒淫詩示其子曰我無他事
爾相求惟有邪淫最所憂實跡汚人誠不可私情才動卽
宜休毋將閨閣資談柄莫入廳堂使觀眸愼此一身猶渺
小務教家世永傳流

康熙志

康三極無爲諸生字鼎兩穎敏重氣節父衢兄之誥俱以無

妄被陷三極挺身力白其冤迨父兄故痛至嘔血奉母亦
孝偕其弟讀書於鐵山別業師事者數十輩

康熙志

葛一本字肖華合肥庠生家傳孝友三世同居年十三母李
氏病刲股二次兄亡撫其子及孫與己子無異壬午寇至
守南關以身殉焉

康熙志

薛崇禮字季立巢縣人弱冠儼贊官拔選貢讓於師楊澤民
督學重之逾年應歲薦復以讓老友周承軒邑令延主西
塾訓課外毫不干以私居家孝友與兄崇仁俱爲時重

熙志

單政字立卿巢縣人祖父皆以戴記世其家父亡兩弟一妹
俱幼政上事母下撫弟長嚴教之皆入泮同居三世無間

言于世德崇禎癸未進士

康熙志

余成德無爲人崇禎十五年流賊突至掖其祖母劉氏母魏氏及妻楊氏妹玉女出避祖母母行遲爲盜所獲欲刃之成德號呼救護竝遇害楊氏見之急投河死賊將犯玉女玉女大罵堅不從寸磔而死

明史孝義列傳

李先綦廬之諸生也崇禎時寇逼郡城時合肥令爲西江熊文舉誓與城爲存亡先綦進曰公無慮寇寇不足下也文舉曰生卽能策戰守顧餉安在無以給之且憂內亂先綦曰某家有粟千鍾可支旬日於是設計分門固守廬之險在東西門文舉自守西以東城委先綦綦至申明約束時出酒食以餉守者士益感激賊往來窺瞰知西門不可撼

則轉而之東盡日夜攻擊先蔡率死士衝之斬殺無算賊
憤以火攻烈燄漲天文舉按劍東望益憂懼而先蔡從容
談笑令取土一筐賞錢百文土壓火息城守如故賊稍稍
引去先蔡潛出尾其後斬級無算文舉額手曰天平微李
生闔邑無遺類矣賊退上功幕府於是先蔡之名震江南
北卒以諸生不及格獎勵而已未幾文舉去賊復至先蔡
守東城如曩時有幕府兵從南來者散漫無紀律南城邏
者疑爲賊殲之郡邑懼幕府詰之也遂以先蔡擅殺聞下
獄論斬會城陷乃免不知所終

江南通志

郭維官舒城人父爲賊執維官號泣求代賊怒並殺之縣志
許名材舒城人寇至負母抱子以逃賊追之母曰寧舍我無

絕宗祀也名材泣日子可復得母不可復得也遂棄其子
免母於難 縣志

王玠合肥人流寇陷城玠負母逃避遇賊身被重創事聞給
以衣頂同時庠生王九鼎亦以孝聞 縣志

丁遵道巢縣廩生壬午流寇至父被執將殺遵道號呼震地
解衣求以身代賊憫其孝父子俱免時有儒童王伯和亦
將被殺呼先生救我賊詢先生爲誰曰卽適所蒙放丁先
生也賊釋之 江南通志

國朝

張維德合肥人崇禎乙亥流寇入境其父被執將見殺維德
甫十齡延頸就刃乞代賊感而釋之順治丙申父歿維德

哀毀骨立既葬廬墓謂其兄維譽曰兄事生母弟事亡父一死一生何常異處時號二難

江南通志

張振祺廬江人父宏任知四川嘉定州母朱氏偕弟及妻子俱隨任祺因試事歸後蜀中道梗音問俱絕順治十一年祺毅然辭邱隴就道曰不見吾親誓不返止攜一僕藉醫卜以資行李閉關至保寧主僕復相失子然孤踪訪知父與兄俱死節但未知母弟妻子安在遇川省布政司係江南人相見與語以實告司甚憫之薦於撫軍李英國委署梓潼令事平謝任由嘉定至峨眉見開墾籍中有宦籍張振祥名乃其弟也母弟妻子依然復稼甲辰冬同歸故里朱氏壽八十始卒時以比朱壽昌云

康熙志

宋儒醇字衍魯廬江諸生有行義明末流賊劫殺西鄉中忽
有一人大呼曰此子恩人宋公里也眾問故其人泣曰子
蕪湖人十歲父賣我償債遇宋公助銀二十兩全予父子
必保全此鄉以報德順治九年歲饑儒醇出穀千斛助賑
江南通志

張文達字必之合肥人崇禎壬午夏詣北莊收麥聞寇至奔
還於積屍中覓得其父尙未死負行七十里抵莊得全孝
養備至生平樂善好施姻族多待以舉火者年七十八始
生子闕考授同知孫先昇乾隆丙辰順天經魁任浙江安
吉州知州有治蹟詳見仕宦文達年至百有三歲郡縣詳
請建昇平人瑞之坊

縣志

高克謹字式穀廬江人年十三父爲寇獲謹乞身代寇兩釋
之長而好義鬻產賑饑置田贍族還人遺金代償鬻妻者
債同邑有李之幹字綰公其行義略同

江南通志

許肩字文來廬江庠生慷慨好義壬午寇變鄉居可姪武進
士鏹挺身捍拒賊不敢窺傾貲給里人牛種爲一方所賴

康熙志

趙伸乙合肥諸生居家以孝友稱寇亂後曾贖難婦三口還
之

康熙志

楊光耀無爲人攻石爲業娶鄭氏夫婦俱十四歲母病兩人
相繼割股肉以進各不自言久之共見癰痕不覺涕泣里
中目爲真孝

康熙志

丁澤光無爲人以孝行聞學使者准給衣頂以勸

康熙志

張勝宇無爲人常拾遺金踰年還其人瘞露骸助族人婚喪賑饑造橋善行不一得年九十有四

康熙志

沈志允無爲人孝友樂施與母病割股衣不解帶者數月手創業從公析箸有薛包之遺風焉

康熙志

沙裔昌無爲監生慷慨樂施貧者多待以舉火順治辛卯歲大饑捐米至一千七百石輸之官倉在城者老還圖散給

康熙志

程尊孔合肥人性豪邁喜交四方賢士大夫明末游饑閭黨賴其賑子汝璞貴贈戶部郎祀鄉賢

康熙志

沈守珮合肥人貿易養親母歿斷葷酒廬墓至服滿邑人迎

歸

康熙志

周愛池合肥人性孝友兄弟析居有年弟貧鬻其產愛池價買之越數年弟嘖有言愛池曰吾存此將以與姪登真利弟產耶亟歸之不復計直

康熙志

劉萬仲合肥人家長寧河一日拾遺金持歸訪有山東賈人醉後遺其橐疑爲主人所竊主人以死矢之萬仲至出驗良是舉以授賈人叩首頤分半爲謝不受

康熙志

孫遇選合肥人端謹爲鄉里所重崇禎庚辰旱輸粟百餘石賑粥順治壬辰粟石價三兩偕其弟遇聘各輸百石惠及一方

康熙志

程汝璞合肥人順治丁亥進士歸侍父每有言必跪受歷知

咸寧上饒二縣擢戶曹父歿後奉母撫弟年六十餘以浙省提學罷歸喪母號慟血尋以病終子本節康熙丁丑進士河南虞城令行取禮部主客司主事

蘇逢仁合肥人弟逢智早亡遺腹子一五齡女一弟婦亦亡逢仁撫兩幼孤無異已出及長爲悉心以營婚嫁伯無子遺產千金盡歸仲弟逢義不取分毫葬族之貧者七喪排難解紛里人稱重

康熙志

陸爾綏巢人居於肥有還金事傳邑中

康熙志

趙廷璋合肥諸生事母以孝稱妻陳氏能體其意夫歿無改

康熙志

李琪合肥人武舉家素饒崇禎十三年奇荒琪捐資糴穀以

賑順治九年斗米四千琪置饑民簿計口受糧月三次輪給之近者舖以廩里人稱貸券可盈尺一日盡焚之康熙十四年旱蝗富家出穀市利十倍李獨不取償有司榜其名為勸

江南通志

方華字仲含合肥人父妾生一子先經析產父沒後復以祖遺讓之少結婚魯氏其女瞽父母欲不娶華曰兄不娶女將誰適娶後相得甚歡

江南通志

張大履字无咎合肥諸生父母歿事兄大臨盡謹兄臥病卹居偶思肉食大履走數十里求肉不得及回兄已殞遂終身不食肉妻早亡念其荼苦單棲四十餘年

江南通志

王鳳吾合肥農夫也事孀母食必親進夏日先生母於涼處

而後往田天寒令妻抱母足而眠歲以爲常

江南通志

魏振胤合肥生員出穀振饑親歿廬墓

江南通志

胡蔭合肥人親疾割股

江南通志

任奕鑑廬江人事母篤孝邑紳衿暨里族合詞公舉學使者

准入庠序以風士庶

康熙志

方君佑廬江鄉民好義康熙己未春大饑君佑捐稻六百石以賑安撫徐襄爲樂輸善士

康熙志

李錦林字文中廬江人性穎悟少負雋才蚤受知於學使蔡公爲邑增廣生屢困場屋潛心經史之學尤工詩賦生平好施予焚券賑荒每多義舉人咸頌之學使邵公旌以齒德並茂廬邑澤宮毀於寇四十餘年繕修未備錦林獨力

建兩廡詳見邑侯李公碑記卒年八十有七封儒林郎
康熙志

郭士英字右璋舒城人康熙乙卯武舉五歲喪父哭泣如成人母歿目雪躬自築墳友夢前母兄及庶弟人無閒言
江南通志

許明時字吉生舒城人歲貢授建平訓導少孤事母孝母歿廬外不茹葷酒者四年嫁族人女代兄償負
江南通志

許祝年字樸齋廬江廩貢選沔陽教諭以親老不赴後考授主事邑遭水旱首捐穀數百石倡賑濟著澹寧集
江南通志

張一綸字華野無爲人三齡失怙奉母極孝九歲母病危篤

額天請代遂獲延壽孺慕終身不懈友喪兄弟推財讓產
雍雍如也二子薰烈俱以孝友聞父母未葬冬不衣絮樂
善好施族戚待以舉火者甚眾嫁娶喪葬皆傾貲助之里
有義門之目

江南通志

賈又彪字偉三舒城貢生孝友性成撫教孤姪四人不異已
子有蕩產者更以已產給之相葬地山中遇虎不啞人以
爲孝感云雍正九年旌表

江南通志

朱維世字斐英舒城人敦本好施助親族之不能婚嫁者賑
歲暮之不能舉火者一切施棺掩骼之事靡不力爲雍正
九年旌表

江南通志

李萬化字素公合肥人廬州衛指揮僉事長庚子性至孝弱

冠補郡庠生食餼黌宮以詩文有聲江淮間爲人廣聲氣
重然諾數展轉出人於兵火饑饉中人以是賢之壬午夏
寇陷郡城時凡有失守者官無大小輕重皆殊死讞之長
庚適甫結衛篆禍且不測萬化奔走兩都請以身代事頗
危矣賴大赦獲免後以子天馥贈兵部尙書

康熙志

沈志孔字心一無爲人歲貢第一行端介事繼母以孝聞

熙志

董史字計先合肥人嗜學工文父病刲股以進頓愈寇氛後
于南郊外立義塚拊骼埋胔無算子兆祉甲午歲貢德器
靜深不愧家訓書倣趙文敏能植其精妙

縣志

王茂粹字羽雛合肥人值荒旱以二十七千緡買一婦人書

券者色慘甚問之其夫也卽令領回更贈錢二千緡夫婦
哭謝而去著有脫晚集

生錄見聞感報錄

縣志

趙觀乙合肥人中順治乙酉鄉榜博極羣書不求聞達家居
置義田修族譜歲平歲饑鬻田得米二百石助賑閭邑疫
施藥濟之多所全活生平嚴正後輩見之皆敬畏嘗榜其
齋柱云立心行善非求福教子知書不爲名可想見其風
槩矣

縣志

程汝瑾合肥人國學生天性純孝母年九十失明日侍左右
寢食扶持夙夜不懈妻余氏亦曲體孝養姑病剖股和藥
遂愈瑾尤好施與貧不能殯葬者竭力周之歲饑曾捐米

二百石助賑

縣志

蘇日華合肥人前壬午寇變年十五遭掠母李氏被創幾斃
華夜逸回負母遠鄉日夕調養曲承親志復延年壽順治
甲午母病篤刲股和藥母尋愈邑令旌之

縣志

巫萬璵合肥人早歲失恃事繼母陳氏三十餘年曲盡子職
母病璵百計醫禱刲股作羹飲之遂霍然起

縣志

周起姜合肥人幼年失怙廬墓致哀三年不異復體母志分
產與三妹無吝色

縣志

朱必昌字文若舒城諸生少嗜學事親以孝聞康熙壬子春
大饑捐穀以賑鄉隣多所全活族中或貧乏不能延師必
昌輒爲具俸兼授之餐其絕世者繼之隣里之無力嫁娶
者代爲經理之其好義樂施多此類

縣志

徐行達字桂甫舒城人年十八遭寇變父永脈被賊囚繫至
潛山行達泣隨賊後夜負逃歸及父歿善事孀母弟行遠
字近甫年二十值寇變負幼弟植而逃遇賊欲殺之泣願
以身代賊感其義俱釋之叔永顯流落荆襄父永脈日夜
悲思行達慮傷父志身歷險阻三載得與俱歸

縣志

郭尙謙字吉六舒城人侃直好義康熙十八年旱蝗尙謙繪
圖呈之督院爲民請濟閩邑德之以歲貢歷任懷遠訓導
祁門司訓崇尙實學有安定之風

縣志

陳魁甲字肇先舒城人壬午寇變偕里人保聚鹿起山千家
賴以無恐烽火之餘白骨徧郊原魁甲飯僧拾遺骼爲大
冢歲時伏臘祭之數十年如一日其後仲子韜舉於鄉季

子略與家孫其策成進士人以爲善報云

縣志

王尙哲字近宣舒城人天性孝友父疾親嘗湯藥衣不解帶
居鄉周濟貧乏排難解紛年五十無子置一妾貧家婦也
詢其夫婦曰變後流離存亡未審尙哲俟之一載其夫倏
至厚賈遣還使爲夫婦如初後連舉二子

縣志

姚守堅舒城人坦懷接物有賈人胡姓遺金於道堅拾還之

太守張賜匾以旌

縣志

江自孔字從知舒城人有賈人遺金三十兩自孔候其人還
之

縣志

陳應豹舒城人壬午寇變遺骸徧野捐貲掩埋普濟饑寒賑

粥施衣賴全活者甚眾邑令兩旌其閭

縣志

潘恆隨舒城人家貧貿易于外康熙三十五年十月初二日
歸至錢家橋拾金二十兩恆隨坐守達旦訪其人驗實還
之縣志

束懋官字秀升舒城人事親孝母患痿痺無晷刻離左右兄
弟分析田取瘠僕取贏器取朽敝後以兩弟貧更招與同
居焉縣志

靳三益舒城人國學生天性孝友與弟三友三傑怡怡一堂
建宗祠置祭田以奉其先又好善樂施每歲募捐稻百餘
石周恤鄉里貧乏者及歿後諸子仍遵行父志縣志

王明俊字郁文舒城人壬午城陷與妻鍾氏訣日子與侄不
能兩全奈何鍾泣曰君勉爲鄧伯道可也遂抱幼子投井

死 縣志

東守顏舒城人與繼室陳氏攜兩子避難其一爲前妻子勢難兩存陳勸留前妻子而棄已子時稱其義 縣志

畢翼周字亮士廬江人前天啟辛酉舉人明季僉報里差大爲民害翼周伏陽奏陳一條輒得蒙俞允勅下勒石永禁民罔得甦又以流寇肆徵學宮遭燬於順治四年倡議同諸生徐愈壯草創大成殿以妥聖靈後更名昇爲福建平和縣令 縣志

許士浩廬江人邑諸生年十二刺血以療父目鄉里稱之 縣志
黃河清廬江人茂貢生年十歲母梅氏病篤號泣籲天封股救療後更名相應 縣志

徐愈晉字曰三廬江人性孝友喜周貧乏捐資築曹王河二堰邑賴其利

縣志

陳經業字勒昆廬江人邑諸生崇禎庚辰捐穀三百石賑饑四舉鄉飲賓不應工書法著接葉亭詩草

縣志

李逢麟字新宇廬江人母病篤籲天願以身代勿藥而瘳鄰有許氏者爲盜所誣擬大辟逢麟力救之卒獲昭雪又捐田市屋每歲儲積以贍族人至於排難解紛救荒掩骼德施尤多

縣志

許鍾彥字聖林廬江人母談氏病臥鄰火夜發延燒及屋鍾彥負母而出年甫十三稍長割股療母疾

縣志

馬尙義廬江人本姓朱昆弟三人尙義爲季母馬氏寡居外

家母歿奉遺命爲舅氏後因蒙馬姓嘗割股和藥以療父
疾壬午流寇肆虐尙義奉父母出遇賊將刃其父奮身願
代賊感而釋之且相戒勿犯孝子後朱氏兩兄俱無嗣尙
義以長子振宗承馬祀次子朱點繼朱嗣邑令旌其門曰
異孝獨摯

縣志

任弼堯字海宇廬江人壬午寇變必堯同妻李氏奉母尹避
黃陂湖中遇賊欲刃其母李氏力挽姑臂必堯挺身翼蔽
之左脇連中七槊創血淋漓湖水爲赤賴弟必俊救之得
不死母亦卒脫於難年五十餘刀瘢猶歷歷可指也

縣志

宋志靈字子睿廬江人恩貢生部牒嘗就選以繼母病不仕
母歿廬墓三年悲哀感行路先世腴田悉讓伯兄修譜牒

置義田寒士有志者招之家塾與諸子同學以子衡貴贈

通議大夫祀鄉賢

縣志

孫日龍字庭儀廬江人爲里老有鄰婦鬻身外郡幾墮平康
矣日龍白於官捐金贖歸爲之擇配里有貧乏及孤獨者
必賑給之

縣志

李善廬江人亦鄉民幼孤事繼母丁氏五六歲時卽知孝養
家無擔石每樵蘇易米以供母膳母病癰目不交睫衣不
解帶者累月屢割股作羹以啖母及歿哀毀骨立人稱純
孝

縣志

趙淑字從以廬江人太學生嘗割舊宅地以益學宮每歲杪
施棉米救濟饑寒或死不能具棺者淑輒資之費生平少

疾言怒色曾有以橫逆加者笑而受之弗與校鄉黨稱長

厚君子焉

縣志

許希湯廬江人崇禎壬午兄希海爲賊所獲索金甚急希湯聞之泣謂弟希渭希澤曰兄書生也爲賊所獲勢必不免吾當往救之遂自詣賊營請執希海得釋約三日攜金索贖賊許之然無所得金屆期希海不至賊欲殺希湯希湯手揮數賊仆地而去賊追之不及兄弟遂俱獲全

縣志

盧雲英字夏子廬江人謙曾孫六合教諭士厚嗣子也以太學生授州司馬善事嗣父母不啻所生後因兄故姪幼迎生母劉氏至家養生送死獨肩任之爲人冲和恬退動必以禮重刻五經圖考竝葺薛教言以示來學癸酉甲午歲

大穀俱捐穀助賑好施爲德子孫猶守其家法云

縣志

李埏字蒼伯廬江人太學生性友愛與從兄埏同居庭無間言兄歿姪抱沈疴撫姪孫成立後析產田廬器物恣其所取里黨以昏喪不給告者解囊贈之宅居松山灣環數里值歲歉卽聽人剪伐樹木以資舉火易簣時檢積券若干囑其子勿復索人稱長者

縣志

金芝蘭字晚九廬江人歲貢生康熙庚寅歲饑出穀五百石以賑鄉里人咸義之

縣志

吳銓字彬成廬江人太學生康熙戊子江南大水流移甚眾銓購米賑之繼而疫癘盛行復施棺數百具其施捨不倦如此

縣志

周敬寵無為人母洪氏孀居苦節敬寵先意承志無微不至

母死之日寵年六十三尙年子泣巡按劉公旌其門州志

沈繼聖無爲人家貧善事繼母中外稱之子志允母疾割股

和藥衣不解帶者數月州守喻珩舉以鄉賓州志

張龍如字雲生無爲人歲饑捐米活人甚眾順治初兵憲羅

公志儒涖州安撫以龍如通家子延之入坐適有妄以警

報者惑眾應斬龍如知其無罪片言救之其人踵門謝拒

不納直指衛公貞元按州詢郡中賢士羣舉龍如以對給

匾額旌之辭不受州志

丁時捷字允聯無爲人庠生順治九年大旱捐米五百斛賑

弼州志

沈可器字君瑚無爲人賦性謹厚明末父爲賊所傷肝隨刃
出求異人授秘藥調服得愈因精岐黃術廣以濟人

州志

吳嘉訓字君謨無爲人父病膈噎嘔逆嘉訓輒涕泣呼天嘗
其所吐之食蠕蠕患目眚每旦含水舐之蠕目復明人以
爲仁孝所感方父病劇思食江魚求弗得父卒後每見魚
必泣不忍食魚生平所學不襲章句遠于易象西銘直探
濂洛關閩之旨尤宗朱子以主敬爲本小有過則痛自刻
責或終夜長跪達旦家貧嘗累日不舉火布衣不蔽體而
怡然自得里有火災拜而祝之火自熄滅有邪魅憑人爲
厲巫者百計驅之不去嘉訓至卽絕羣謂其端方故能懾
神鬼嘉訓正色曰災異數耳昔子產不穰火災不崇龍闕

謂其不相及也子乃爲我功耶毋侈談滋惑耳兩舉鄉飲介賓不就易簀之頃神定不亂人有隗美材者舉手卻之曰吾家貧不稱此也卒時年七十有三

州志

朱夔字舜臣無爲人善丹青名擅一時康熙二年偶遊合肥聞母病徒步奔歸計程三百里一晝夜而至旣抵舍剖股二次人不之知也後見禮於太守杜公天暑解衣見其瘡痕異之旌曰孝思不匱

州志

沈可弼字公亮無爲人郡諸生性孝友父母年皆八旬晨昏定省不輟兄弟四十餘年未嘗析箸兵燹之後族人流離歸里者爲之措給衣食其子弟有俊秀則備修脯令其就學少艱於嗣息晚年連舉二子

州志

劉有德無爲人中丞崙之元孫甫十齡值母李氏病有德晝夜侍湯藥及病劇籲天剖股卒不起哀毀如成人州學諸生上其事學憲旌以額曰幼齡純孝

州志

吳允誠無爲人年十二父病齧臂呼天剖肉以救

州志

盧應京字斗玉無爲人甫弱冠流賊破州執其父奪其衣索白金無有欲殺之應京跪泣悲號曰寧殺子毋刃吾父賊憫其孝釋其父竝還所奪後父沒盧墓三年人稱爲盧孝

子

州志

李思慎字公緘無爲人性孝友父病剖股血淋漓濡染衣袖不知也事祖母及母色養備至

州志

倪良增字士號無爲人歲貢生痛母吳氏苦節吳沒盧墓孫

光復值父祖兩喪毀瘠居廬三年母沒又結茅塚次三年
雖盛暑縗經不去體哀動路人

州志

張應昌字爾熾無爲人母李氏好施子應昌能養志當崇禎
間饑殍載道遇乞者輒周之隆冬積雪掃徑以飼鳥雀皆
廣母惡也旣而寇至負母逃難數遇賊哀求獲免母晚年
得腹疾禱于神求以身代日夜侍湯藥日不交睫躬滌穢
器澣汚衣及卒廬墓三年弟應星亦以孝聞

州志

俞質字彬士無爲人讀書桐邑浮山距家百餘里每月省其
親歷寒暑不易也親亡哀毀幾絕卜葬朱由山寢苦墓左
有虎闖其扉不爲變三年多異迹乾隆壬戌州守常公具

詳請旌

州志

孫可衍字遠字無爲人太學生性醇厚事親尤篤所嫁妹與甥女俱亡恐母重傷四時假妹氏饋問殷勤備至逮終養母卒不知女死也泥汊江濤常爲渡者患造救生船以濟行人歲費不貲子天閔克承父志至今人利賴之

劉正絃字舜若無爲人性至孝母病割肱以進每夜焚香籲天求以身代病旋瘳旋反母粥亦粥母飯亦飯如是者十五年及母沒哀毀骨立居喪三載哭泣不輟

州志

沙可續字象心無爲人好施與由附貢授知縣康熙中歲大荒捐穀賑饑設立義冢五處

州志

張應星字日生無爲人居父喪哀毀幾絕廬墓三年墓旁忽產白芝三本母沒廬墓亦如喪父時乾隆三年旌表

州志

朱令吉字謙六無爲人康熙間歲貢生少聘許氏方笄忽患
痺痿女父令其別娶吉曰命也何忍棄之卒迎歸事伯兄
如父至老益恭

州志

伍正都無爲人康熙己亥歲荒捐穀賑饑州守李廷煥舉賓
飲辭不就子大忠雍正丙午亦捐米百石以賑親董其役
次年復歉捐賑亦如之鄉里咸戴其義

州志

朱學悟字穎伯無爲人早失怙恃泣慕不已終身茹素家故
貧嘗拾王某聘媳禮金若干雨某不復記憶及取金不得
疑爲冢婦所匿婦無由自明將就死學悟聞之急呼某至
悉還之一媳得以娶一媳得以生王氏至今啣其德後家
道稍豐置田一所以爲每歲濟貧施茶修橋造渡之資餘

則歲杪以周急者將終預告家人以期端坐而逝

州志

吳正壽字宜仁無爲人以敦本力行爲務年七十與兄正元
正新正名百口同居一門雍穆州人賢之

州志

錢榮字自新無爲人太學生母病篤焚香祝天刲股作羹以
進母飲之立愈

州志

馮尙謙字敬庵無爲人年十二父病侍湯藥十旬不解衣帶
及壯母搜痰疾以口承唾晝夜侍側無倦容母卒廬墓三
載著有柏滋堂詩草

州志

魏應琦無爲人康熙壬午大水里多困乏應琦賣產糴穀以
給族黨戊子又賑粥有稱貸者無不多方周給之亦未嘗
責其必償焉

州志

王廷松字鶴皋無爲人郡諸生父歿哀感不已囑兩弟在室奉母築廬基側獨居三年廬江令陳慶門署州事道出西郊造其廬訪之贈以詩云瑞氣繞佳城棘人感倍生悲風驚四起冷月泣三更救水歡難再蘋蘩薦益誠孝思如可格鶴兔自相迎

州志

陸世道無爲人年十二同兄世法赴塾兄失足墮水中赴救兄起世道竟溺死詳請督撫給匾入志

州志

張月耘字粒民巢縣庠生性仁孝家貧竭力奉親及歿廬于基側十年早夜哀思致疾而卒

州志

周之才字爾耀巢縣人幼喪父年十五母甘氏病篤之才飲泣割股三進而母病愈數年母歿哀毀之狀尤令見者心

惻云 縣志

蔣永兆巢縣人養二親備極甘旨雖力不逮勉致之母李氏卒永兆哀毀骨立築廬於墓三年寢食其中服闋乃歸縣奚崇榮巢縣人事親盡孝溫清無閒母病剖肝和藥以進母愈創亦旋合人以爲誠孝所感云 縣志

蔣聯芳巢縣人繼母病割股以愈之人稱其孝 縣志

魏游錫字希文巢縣人父庠生子遂善岐黃術家貧遠涉塞外時游錫甫週歲稍長知父出遊年十七子身尋父誓不得歸由都門歷口外約數十里至宣化府得抵父寓而父已先數月卒矣哭詣墓哀毀異常館人欽其孝資之路費俾負骸骨以歸 縣志

張鼎字峙三舒城人增生至性敦篤事繼母至孝父病禱於神請以身代居喪盡禮人無間言撫憲給匾旌之

縣志

任天健字乾行舒城人武舉過歲失怙事母倍極色養壯尤好義睦族敦倫一遵母訓母稍不懌卽跪泣自責母爲感悅晨夕定省五十年如一日母卒哀毀盡禮至老述母訓猶潸然出涕鄉里皆以爲範

縣志

蔡春芳字傑公舒城人少孤貧無依事孀母侯以孝稱母病痿痺偕妻李氏日夜跪哺湯藥兩膝皆腫暑月蚊咬無完膚母起臥必負之冬月嚴寒呼飲食必煑以進數月不解帶以爲常生平多隱德子之慈補邑增生有父風尤工詩

文書畫

縣志

任天吉字吉我舒城人賦性孝友家極貧事母陳氏竭力承歡嘗負米百里途次饑甚不炊食或訶之泣曰吾購以奉母敢自食耶卒忍饑歸後稍豐裕與弟簡將析產田廬器物皆取敝鈍荒瘠者與人無少長皆殫恩禮周恤貧乏一邑推爲長者

縣志

孔興道舒城人天性孝友渾厚樸實父有足疾經二十餘年興道親爲吮膿嘗藥兄弟析產取其瘠者其弟有藐孤撫養教誨爲之娶妻性尤嗜學日手一編妻郭氏亦敦孝行

縣志

高重瑛字又光合肥人康熙壬寅恩貢生素行端淳母歿三年廬墓不履內室選授旌德教諭課士以根抵之學著有

尙書遵注經史集說

朱品字賢林先世自婺源遷合肥生而樸茂天性至孝母病
刲股和藥以進居喪哀毀骨立見者悽惻春秋祭奠涕泗
橫流終身如一日收恤宗族及鄉里之困乏者有祖祠在
郡西門爲族人出賃品以貲贖還修葺復舊觀其敦行類
如此

周尙文合肥人事母韋氏至孝母嘗病篤尙文刲股療之疾
竟瘥韋性慈好善遇窮乏者輒調給不倦戚黨稱賢母焉
蔡殊英字洛賢合肥增生七歲失怙事孀母能盡子職有寒
疾惟恐貽母憂守身如執玉然初葬父於城北期旣定疾

作瀕於危家人代營葬事前一日夢中泣而寤曰及葬期
乎家人諱之英泣然曰此何事忍遺親弗顧耶雖死必往
載於牀以行下窆封土而返後嘗手錄祭禮擇要歲時享
祀奉而行之處伯叔兄弟輕財重義性嗜學雖抱疾未嘗
廢書

蔡崇字坤維合肥人少力學能文事節母吳盡孝吳性嚴厲
督責不少寬常令長跪中庭不命之起不敢起爲母請旌
建坊母意川木較省崇慮不耐久固請用石嚮田數畝乃
克竣事由是家屢空常自忍饑以供甘旨母病歿哀毀不
自勝嘔血數升後五日亦卒

徐凌霄合肥人父次宏病危凌霄每日五更詣城隍廟求以

身代父果愈越七日凌霄忽咤云城隍神遣與馬迎我遂
無病而卒妻湛氏年二十一視含殮畢絕食九日死

周治昌字步豐合肥廩生少孤事母至孝家貧典衣稱貸以
供甘旨母或呵止之婉容以受亦終不爲變也母歿歲時
上食哭泣盡哀三年中飲食居處悉遵古禮與兄治隆友
愛無間善屬文兼工書法

程懷榮合肥人天性孝友事繼母朱承顏養志朱病懷榮兩
次割股以進同母弟維直已析居家事中落復令合巹待
所子如己子爲繼母弟一新延師課讀督責不稍恕一新
後入邑庠

夏貢西合肥監生九齡時母遭寒疾不起貢西號泣呼天祈

以身代已而漸瘥父克紹性友愛與兄克緒每食必偕時
隔河而居貢西晨往請日夕撰杖屨送歸率爲常遇嚴冬
風雪輒備錢米絮衣請於父曰大人念某某乎請以遺之
母歿執喪哀甚又恐傷父心中夜飲泣淚漬枕席皆腐爛
及父歿毀幾滅性既殯朝夕往來墓所若定省然

高登奇舒城人父歿事母朝夕不離崇禎壬午賊兵臨城母
命逃避奇兄弟依依不忍去及城陷負母率弟墜城而下
卒遇賊傷幾死負母不釋泣請曰可殺我勿傷吾母賊憐
其孝縱之去

孔時宇合三舒城廩生家貧以筆耕父嗣英晚年患偏枯飲
食起居皆賴扶持時出課生徒入侍湯藥三年如一日嘗

於途中拾遺金招失者還之其人分半以謝堅弗受且戒勿言

朱光照字聘三廬江人性好施與乾隆二十年邑大饑光照首輸錢三百餘千爲富室倡一時全活甚衆郡太守趙邑令李皆旌以額

金之鵬字北鰈無爲人居親喪哀毀盡禮年逾七十事後母猶循循如孺子王介山太史爲立孝行傳

劉鉅字子飛無爲庠生居父母喪皆廬墓三年

季國瞻無爲監生宋孝子元禮裔孫也九歲父患疔以口吮之年十二父歿哀毀動鄰里母病嘗糞以驗瘥劇及歿廬墓三年乾隆三十八年請旌

丁大燿為諸生父病嘗糞

錢承禧字滙東無為庠生父歿廬墓三年乾隆五十九年請旌

童燭合肥人例授從九品父溺水燭奔救父得生而燭竟溺死一時哀之乾隆六十年請旌

鄭曦巢縣監生居父喪廬墓三年嘉慶二年請旌

夏校字憲齋無為諸生時稱經師里有逼室女改適者校為鳴諸官女得歸其本夫

孫天閑字冀良無為人好施予於戚屬貧乏者多所保全乾隆間兩舉鄉飲賓